

## *Sunblock* cua pa mi uza?

Uza sunblock cu solamente tin dos ingrediente activo aden cu ta zinc oxide y titanium oxide. Esakinan ta wordo considera safe pa nos coralnan, ta menos daniño pa e bida marino y pa bo mes. **Algo pa nota:** si e sunblock keda blanco riba bo cuero, e ta reef safe.

## *Preveni* di trapa of para riba yerbe di lama, banana di rif, coral y *no corta mangel.*

Bo tawata sa cu mayoría coral ta crece solamente un par di milimeter pa un par di centimeter pa aña? Un trapa riba dje por destrui añas di crecimiento. Yerbe di lama tambe ta delicado y tin un funcion importante pa diferente especienan por sobrevivi. Mangelnan tambe ta sistemanan importante y door di colga obhetonan riba nan por stroba nan di crece y te asta kibra. **Algo pa nota:** tur tres ta protehi pa ley y actividadnan cu ta causa daño na nan ta castigabel pa ley.

## *Porfavor* no duna cuminda na bestianan di costa y lama: e ta causa mas daño cu bo ta pensa.

Cada bestia, pisca, parha y otronan tin nan funcion. E introduccion di cuminda no-natural of no destina pa bestia ta trece bruhamiento den e comunidad marino. **Por ehempel,** si duna e 'gutu' pan of fruta, e no lo haci e trabou cu e mester haci di come e alganan for di riba e coral. Esaki ta causa cu e coral ta wordo cubri dor di alga, no ta haya luz di solo y ta muri.

## *Polucion* ta degrada y destrui e bienestar di nos costa y lama.

Polucion ta bin den diferente forma. E por ta sushi, desperdicio, polucion di luz, of zonido cu ta causa stress riba bestianan y ta stroba nan habilidad di comunica of nabega. Uza menos luz artificial posibel y tene zonido of musica na un nivel respetoso. **Por ehempel,** polucion di luz artificial ta modifica e comportacion di turtuga di lama of insecto.

## Traha un *bon plan* pa maneha bo impacto.

Planificacion ta haci bo experiencia agradabel y ta bon pa naturalesa. Corda plania unda bo sushi ta bay, unda bo ta bay baño, unda y kico bo ta uza pa laba bo tayo of weya, y con bo ta laga e area di naturalesa atras mesun manera of miho cu bo a encontre.

**Naturalesa ta gradicibo  
pa campá *responsabelmente.***



Aruba  
Conservation  
Foundation



ARUBA CONSERVATION FOUNDATION Y TURTUGARUBA

## *Guia* pa campá *Responsabel* den Naturalesa

Aruba Conservation Foundation y Turtugaruba a bini hunto pa crea un guia cu diferente sugerencianan pa asina abo por campá den un manera responsabel y reduci bo impacto riba nos dushi naturalesa.

# Con pa Campá *responsabelmente?*

\*Corda deshaci di e flyer aki *responsabelmente.*



## *Proteha* nos turtuga di lama

Luna di maart pa october ta e temporada cu Turtuganan marino ta bin Aruba pa pone webo den e santo blanco di nos beachnan. Turtugaruba ta haci un apelacion na tur campado y publico general cu ta disfruta di nos beachnan pa ta consciente di e siguiente informacion.

Bo tawata sa cu tin cuater especie di turtuga di lama cu ta bishita nos isla pa pone webo? **Tur ta den peliger di extincion mundialmente** y mester di nos cuida special. E Driekiel (Leatherback Sea Turtle) ta esun di mas grandi y mester mas di nos atencion.

Nos ta *pidi ayudo* di boso tur cu lo *siguiente*:

## Ora bo ta riba beach (sigui e puntonan aki)

*Tene luznan* mas tanto posibel paga. Turtuga adulto ta wordo afecta door di e luz debi cu nan tin miedo di dje.

*No ta permiti* pa haci uzo di vehiculo motorisa riba beach. Esaki ta causa daño na neishinan cu a ser poni caba. Corda, no ta tur neishi ta marca. Ademas, core riba beach ta afecta calidad di e santo.

*No laga ningun* sorto di sushedad riba beach - specialmente saco of cups di plastic cu no ta permiti na Aruba. Bo tawata sa cu e Driekiel su cuminda preferi ta jellyfish? Y nan ta confundi plastic cu esaki y ta causa cu nan ta sofoca y muri.

*Si ta posibel*, kita tur obstaculo di beach anochi (stoel, mesa, etc.)

## Ora di observa un turtuga yegando beach pa pone webo:

- **Prome cu tur cos**, tuma contact co Turtugaruba su Turtle Hotline na **+297 5929393**.
- Limita movencion y zonido pa no distrae e animal.
- No acerca e animal, tene distancia respetoso (por lo menos 10 meter).
- No uza ningun sorto di luz manera flashlight, camera cu flash, of screen di telefon.
- Paga tur luz den vecindario - corda cu Seaturtles gusta scuridad y nunca dirigi cualkier luz den e cara di e animal.
  - No purba yuda e turtuga bay bek lama pero si zorg pa no tin hende entre e animal y e lama. Si tur luz ta paga, e animal mes lo regresa lama sin ningun problema.
  - E proceso di pone webo por dura 2 ora.
  - Si acaso tin hopi hende riba beach ora e turtuga tey, porfavor comparti e informacionan akinan cu nan pa nan tambe por yuda e turtuga den e manera mas responsabel posibel.

*Pa mas informacion:*

Turtugaruba ☎ 592 9393 📱 facebook.com/turtugaruba

Aruba Conservation Foundation 📞 592 4476 (wildlife hotline)

www.acf.aw